

四庫全書

集部

欽定四庫全書

文苑英華卷三百七十三

宋 李昉等 編

諷諭一

截冠雄雞志一首

說鶻一首

羆說一首

捕蛇者說一首

紀鴉鳴一首

養狸述一首

紀稻鼠一首

蟹志一首

禽暴一首

截冠雄鷄志

李翱

翱至零口北有畜鷄二十二者七其雄十五其雌且啄

且飲

集作且
飲且啄

而又狎乎人翱甚樂之遂掬粟投于地而

呼之有一雄鷄人截其冠貌若營羣望我而先來見粟而長鳴如命其衆鷄衆鷄聞而曹奔於粟既來而皆惡截冠雄鷄而擊之而曳之而逐出之已而競還啄其粟日之暮又二十一其羣栖于楹之梁截冠雄鷄又來如慕侶將登于梁且棲焉而仰望焉而旋望焉而小鳴焉

而大鳴焉而延頸喔咿其聲甚悲焉而遂去焉至

集作
者

于庭中直上有木三十餘尺鼓翅哀鳴飛而栖其樹顛

翺異之曰鷄禽于家者也備五德者也其一曰見食命

侶義也截冠雄鷄是也彼衆鷄得非幸其所呼而來耶

又奚為既來而共惡所呼者而迫之耶豈不食其利背

其惠耶豈不畏喪其見食命侶之一德耶且

一作
是

何衆

栖而不使偶其羣耶

集作
也

或告曰截冠雄鷄客鷄也予

里東鄙夫曰陳氏之鷄焉死其雌而陳氏寓之于我羣

馬勇且善鬪家之六雄鷄勿敢獨校焉且其

集作是以

曹惡

之而不與同其食及棲焉夫雖善鬪且勇亦不勝其衆而常孤遊焉然見食未嘗先啄而不長鳴命侶焉彼衆

鷄雖賴具名

集無此字

既至反逐之昔日亦猶是焉截冠

雄鷄雖不見答然而其迹未曾變移焉翺既聞之惘然感而遂傷曰禽鳥微物也其中亦有獨稟精氣義而介焉者客鷄義勇超於羣羣皆妬焉尚不與儔焉況在人乎哉況在朋友乎哉況在親戚乎哉況在鄉黨乎哉況

在朝廷乎哉由是觀天地之

集無之字

間鬼神禽獸萬物變

動情狀其可以逃乎吾心既傷之遂志之特

集作將

用警

予且可以作鑒于世之人

說鵠

柳宗元

有鵠曰鵠者穴於長安薦福浮圖有年矣浮圖之人室

于

集作字於

其下者伺之甚熟為余說之曰冬日之夕是鵠

也必取鳥之盈握者完而致之以燠其爪掌左右而易之旦則執而上浮圖之跂焉者縱之延其首以望極其

所如往必背而去之焉苟東矣則是日也不東逐南西北亦然嗚呼孰謂爪喙毛翮之物而不為仁義器耶是故無號位爵祿之欲里閭親戚朋友之愛也出乎鷄卵而知攫集作搏字食決裂之事爾不為其他凡食類之饑唯

且為甚今忍而釋之以有報也是不亦卓然文粹作絕有立

者乎用其力而愛其死以忘其饑又遠而違之非仁義之道耶恒其道一其志不欺其心斯固世之所難得也余又疾夫今之說日以煦煦而默徐徐而俯者善之徒

以翹翹而厲炳炳而白者暴之徒今夫梟鴟晦於晝而
神於夜鼠不穴寢廟循墻而走是不近於啾啾者耶今
夫鶻其立趯然其動砉然其視的然其鳴革然是不近
於翹翹者耶由是而觀其所為則今之說為未得也孰
若鶻者吾願從之毛耶翮耶胡不我施寂寥泰清樂以
忘饑

羆說

鹿畏羆羆畏虎虎畏羆羆之狀被髮人立絕有力而甚

害人焉楚之南有獵者能吹竹為百獸之音嘗

集作昔

云

持弓矢爨火而即之山為鹿鳴以感其類伺其至發火而射之羆聞其鹿也趨而至其人恐因為虎而駭之羆走而虎至愈恐則又為羆虎亦亡去羆聞而求其類至則人也猝搏挽裂而食之今夫不善內而恃外者未有不為羆之食也

捕蛇者說

永州之野產異蛇黑質而白章觸草木盡死以齧人無

禦之者然得而腊之以為餌可以已大風孿踠癘去
死肌殺三蟲其始太醫以王命聚之歲賦其二募有能
捕之者當其租入永之人爭奔走焉有蔣氏者專其利
三世矣問之曰吾祖死於是而吾父死於是今吾嗣為
之十二年幾死者數矣言之貌若甚感者余悲之且曰
若毒之乎余將告于蒞事者更若役復若賦則何如蔣
氏大感汪然出涕曰君將哀而生之乎則吾斯役之不
幸未若復吾賦不幸之甚也嚮吾不為斯役則久已病

笑自吾之三世居是鄉積於今六十歲矣而鄉隣之生
日蹙殫其地之出竭其廬之入號呼而轉徙饑渴而頓
踣觸風雨犯寒暑呼噓毒癘往往而死者相藉也曩與
吾祖居者今其室十無一焉與吾父居者今其室十無
二三焉與吾居十二年者今其室十無四五焉非死而
徙爾而吾以捕蛇獨存悍吏之來吾鄉叫囂乎東西隳
突乎南北譁然而駭者雖鷄狗不得寧焉吾恂恂而起
視其缶而吾蛇尚存則弛然而卧謹食之時而獻焉退

而甘食其土之有以盡吾齒盖一歲之犯死者二焉其餘則熙熙而樂豈若吾鄉隣之旦旦有是哉今雖死乎此比吾鄉隣之死則已後矣又安敢懼毒耶余聞而愈悲孔子曰苛政猛於虎也吾嘗疑乎是今以蔣氏觀之猶信嗚呼孰知賦斂之毒有甚是虵者乎故為之說以俟夫觀人風者得焉

紀鴉鳴

林簡言

東渭橋有賈食於道者其舍之庭有槐焉聳幹舒柯布

葉凝翠若不與他槐等其舍既陋主人獨以槐為飾當
乎夏日則孕風貯涼雖高臺大屋諒無慙德是以徂南
走北步者乘者息肩於斯稅駕於斯亦忘舍之陋長慶
元年簡言去廊得息其下觀主人德槐之意亦高臺大
室者也洎二年去夏陽則槐薪矣屋既陋槐且為薪遂
進他舍因問其故曰某與隣俱賈食者也某以槐故利
蕪于一作子隣隣有善作鴉鳴者每伺宵晦輒登樹鴉鳴
凡側于樹若小若大莫不凜然懼悚以為鬼物之在槐

也不日而至也又私於巫者俾於鬼語槐於去鴉不息
主人有母者且察慮禍及母遂取巫者語後亦以稀賓
致困簡言曰假為鴉鳴滅樹殃家甚於真鴉非聽之誤
耶然屈平謇諤非不利於楚也靳尚一鴉鳴而三閭放
楊震訐謨非不利於漢也樊豐一鴉鳴而太尉死求之
於古主人亦不為甚愚

養狸述

舒元輿

野禽獸可馴養而有裨於人者吾得之於狸狸之性憎

鼠而喜愛其體趨其文班予愛其能息鼠竊近乎正且
勇嘗觀虞人有生致者因得請歸致新昌里客舍舍之
初未為某居時曾為富家廩墉堵地面甚足鼠竅穴之
口光滑日有鼠絡繹然某既居果遭其暴耗常白日為
羣雖敲拍叱嚇略不畏忌或斲龜倪跽縮須臾復來日
數十度其穿巾孔箱之患繼晷而有晝或出遊及歸其
什器服物悉已破碎若夜時長留缸績疑作續晨與役夫
更吻驅呵甚擾神抱有時或缸死睫交黑暗中又遭其

緣榻過面泊泊上下則不可奈何或知之借櫝以收拾衣服未頃則櫝又孔矣予心深悶當其意欲掘地誅剪始二三十日間未果頗患之若抱癢疾自獲此狸嘗闔關竇竇縱於室中潛伺之見軒首引鼻似得鼠氣則凝蹲不動斯須果有鼠數十輩接尾而出狸忽躍起堅瞳迸金文毛磔班張爪呀牙劃洩怒聲鼠黨帖伏不敢竄狸遂搏擊或目抉牙截尾捎首擺瞬視間羣鼠肝腦塗地迨夜始背缸潛窺室內洒然予以是益寶狸矣

命一作

常自馴飼之到今僅半年矣狸不復殺鼠鼠不復出穴
穴口有土蟲絲封閉欲合嚮之韞積服物皆縱橫拋擲
無所損壞噫微狸鼠不獨耗吾物亦將咬噬吾身矣是
以知吾得高枕坦卧絕瘡痍之憂皆斯狸之功異乎鼠
本統乎陰蟲其用合晝伏夕動常怯怕人者也向之暴
耗非有大膽壯力能凌侮於人以其人無禦之之術故
得恣橫若此今人之家苟無狸之用則紅墉皓壁固為
鼠室宅矣甘醲鮮肥又資鼠口腹矣雖乏人智其奈之

何嗚呼覆燾之間首圓足方竊盜聖人之教甚於鼠者
有之矣若時不容端人則白日之下故此一作得騁於陰
私故桀朝鼠多而關龍逢斬紂朝鼠多而王子比干剖
魯國鼠多而仲尼去楚國鼠多而屈原沉以此推之明
小人道長而不知用君子以正之猶嚮之鼠竊而不知
用狸而止遏縱其暴橫則五行七曜亦必反常於天矣
豈直流患於人間耶某因養狸而得其道故備錄始末
貯諸篋內異日持諭於在位之端正君子

化稻鼠

陸龜蒙

乾符己亥歲震澤之東曰吳興自三月不雨至於七月

常時汙坳沮洳者埃塏全勃擢檝支派者入扉屨無所

汗農民轉遠流漸平聲潤集無此字稻本晝夜如乳赤子欠欠

然救集作極渴不暇僅得葩折穗結十無一二焉無何羣

鼠夜出啣而僵之信宿食殆盡雖廬守板擊毆而駭之

不能勝若集作苦官督戶責不食者有刑當是而賦索愈

急棘束械榜箠木肌集作脛頸者無壯老吾聞之於禮曰

迎猫為食田鼠也是禮缺而不行久矣田鼠知之復

集作

後歟物有時而暴歟政昏貪而廢

一作發

歟國語曰吳稻

蟹不遺種豈吳之土鼠與蟹更伺其事而效其力殲其

民歟且魏風以碩鼠刺重斂碩鼠斥其君也有鼠之名

無鼠之實詩人猶曰逝將去汝適彼樂土况

集作剔字

乎上

招其財下啗其食率一民而當二鼠不流浪轉徙聚

集作

字而為盜何哉春秋螽蟥生大有年皆書是聖人於豐

凶不隱之驗也余通於春秋又親蒙其災於是乎記

蟹志

蟹水族之微者其為蟲也有籍見於禮經載於國語揚

雄太玄辭晉春秋勸學等篇考於易象為介類與龜

集作

用與字非鼈剛其外者皆乾之屬也周公所謂旁行者歟參

於藥錄食蔬蔓延乎小說其智則未聞也唯左氏紀其

為災子雲譏其躁以為郭索後蚓而已蟹始窟穴於沮

洳中秋冬交必大出江東人云稻之登也率執一穗以

朝其魁然後從其所之蚤夜齎沸指江而奔漁者緯蕭

承其流而障之曰蟹斷

音短

其之江之故

文粹無道故字

道

焉爾然後扳援

文粹作奔紛

越軼遊而去者十六七

文粹作八九

既入于江則形質寢大於舊自江復趨于海如江之狀
漁者又斷而求之其越軼遊去者又加多焉既入於海
形質益大海人亦異其稱謂矣嗚呼穗而朝其魁不近
於義耶捨沮如而之江海自微而務著不近於智耶今
之學者始得百家小說而不知孟軻荀楊氏之道或知
之又不汲汲於聖人之言求大中之要何也百家小說

沮洳也孟軻荀楊氏聖人之瀆也六籍者聖人之海也

苟不能捨沮洳以

集作而

求瀆由瀆而

文粹作以

至于海是人

之智反出水

集作介

蟲下能不悲夫吾是以志其蟹

禽暴

冬十月予視穫于甫里早苗離離年無以支憂傷于

集作

盈懷夜不能寐往往聲類暴雨而疾至者一夕凡數四

明日訊其毗曰鳧鷖也其曹蔽天而下盖田所當之禾

必竭穗而後去曰得無弋羅者捕而耗之耶對曰江之

南不能弋羅常藥而得之棹櫛

上篋
下西

塗枝叢植于陂一

中千萬膠而不飛是藥也出於長沙豫章之涯行賈貨
錯歲售於射鳥兒盜興已來蒙衝塞江其誰敢商是藥
既絕群鳧恣翔幸不充乎口腹反侵人之稻梁予曰嘻
失馭之民化而為盜關梁急征商不得行使江湖小禽
亦肆其暴以害民食古聖人毆害物之民出乎四裔况
害民之物乎俾生靈之衆死乎盜死乎饑吾不知安用
馭者為

文苑英華卷三百七十三

欽定四庫全書

文苑英華卷三百七十四 宋 李昉等 編

諷諭二

鐵鑪步志一首

吏商一首

鞭賈一首

蝮蝦傳一首

農夫禱一首

悲剡溪古藤說一首

書褒城驛屋壁一首

蠹化一首

較貪一首

鐵鑪步志

柳宗元

江之滸凡舟可縻而上下者曰步永州北郭有步曰鐵鑪步余乘舟來居九年往來求其所以為鐵鑪者無有問之人曰蓋嘗有鍛鐵者居其人去而鑪毀者不知年矣獨有其號冒而存余曰嘻世固有事去名存而冒焉若是耶步之人曰子何獨恠是今世有負其姓而立於天下者曰吾門大他不我敵也問其位與德曰父矣其先也然而彼猶曰我大世亦曰某氏大其冒於號有以

異於茲步者乎向使有聞茲步之號而不足釜錡錢鑄
刀鐵者懷價而來能有得其欲乎則求位與德於彼其
不可得亦猶是也位存焉而德無有猶不足以大其門
然且樂為之下子胡不怪彼而獨恠於是大者桀冒禹
紂冒湯幽厲冒文武以傲天下由不知推其本而姑大
其故號以至於敗為世笑僂斯可以甚懼若求茲步之
實而不得釜錡錢鑄刀鐵者則去而之他又何害乎子
之驚於是未矣余以古有太史觀民風采民言若是者

則有得矣喜其言可采書以為志

吏商

吏而一作有商也汙吏之為商不若廉吏之商其為利也

博汙吏以貨商資同惡與之為曹大率多減耗役傭工費舟車射時有得失取貨有苦良盜賊水火殺斂焚溺之為患幸而得利不能什一二身敗祿奪大者死次貶廢小者惡終不遂汙吏惡能商矣哉廉吏以行商不役傭工不費舟車無資同惡減耗時無得失貨無良苦盜

賊不得殺斂水火不得焚溺利愈多名愈尊身富而家
彊子孫葆光是故廉吏之商博也苟脩嚴潔白以理政
由小吏得為縣由小縣得大縣由大縣得刺小州其利
月益各倍其行不改又由小州得大州其利月益三之
一其行又不改又由大州得廉一道其利月益三倍不
勝富矣苟其行又不改則其為得也夫可量哉雖赭山
以為章涸海以為鹽未有利大能若是者然而舉世爭
為貨商以故敗吏相逐於道百不能一遂人之知謀好

邇富而近禍如此悲夫或曰君子謀道不謀富子見孟

子之對梁惠王

三字集
作宋經

乎何以利教為也柳子曰君子

有二道誠而明者不可教以利明而誠者利進而害退

焉吾為是言為利而為之者設也或安而行之或利而

行之及其成功一也吾哀夫沒於利者以亂人而自敗

也姑設是庶由利之大小登進其心

集作
志字

幸而不撓

集作

有乎下以成其政交得其大利吾言不得已爾何暇從

容若孟子乎孟子好道而無情其功緩以疏未若孔子

之急民也

鞭賈

市之鬻鞭者人問之其賈宜

文粹作直

五十必曰五萬復之

以伍十則伏而笑以五百則小怒五千則大怒必五萬

而後可有富者子適市賈鞭出五萬持以夸余視其首

則拳蹙而不遂視其握則蹇急

集作反

而不植其行水者

一去一來而不相承其節朽

集作朽

黑而無文材插之滅

爪而不得其所窮舉之飄

集作飄

然若揮虛焉余曰子何

取於是而不愛五萬曰吾愛其黃而澤且賈者云余乃
召僮爚湯以濯之則邀然枯蒼然白嚮之黃者梘也澤
者蠟也富者不悅然猶持之三年後出東郊爭道長樂
坂下馬相踶因大擊鞭折而為五六馬踶不已墜於
之地傷焉視其內則空空然其理若糞壤無所賴者今
之梘其貌蠟其言以求價伎於朝者當其分則善
文粹無此
苟一誤而過其分則喜當其分則反怒曰余曷不至於
公卿然而至焉者亦良多矣居無事雖過三年不害當

其有事驅之於陳力之列以禦乎物以夫空空之內糞
壤之理而以責其大擊之効惡有不折其用而獲墜傷
之患者乎

蝨蝨傳

蝨蝨者善負小蟲也行遇物輒持取昂其首負之背逾

集作
愈

重雖困劇不止也其背甚澀物積因不散卒躓仆

不能起人或憐之為去其負苟能行又持取如故又好
上高極其力不已至墜地死今世之嗜取者遇貨不避

以厚其室亦知為已累也唯恐其不積及其怠而躓也
黜棄之遷徙之亦已病矣苟能起又不艾日思高其位
大其祿而貪取滋甚以近於危墜觀前之死亡曾不知
戒雖其形魁然大者也其名人也而智則小蟲也亦足
哀集作悲夫

農夫禱

劉軻

丙戌歲大饑楚之南江黃為甚明年予將之舒途出東
山見老農輦鳩其族為禱於伍君祠其意誠而辭俚因

得其文以潤色之亦以儆于百執事者云農夫某謹達
精誠于明神吁嗟我耕食之人誰非土之人人之有求
神得不以聰明正直聽之耶曩者仍歲薦飢人為鰥嫠
田無耕夫桑無蠶姬癘疫瘡痍一方尤危踵以吳蜀弄
兵吏呼其門毆荒餘之人挾弓持戟女子生別行啼走
哭王師有征羣盜繼誅乃歸其居乃復室廬廬壞田蕪
亦莫蠲其租今之收合餘燼人百其力幸大成于秋誠
慮旱而不雨既雨而潦必不為潦又慮其不苗不秀秀

而不實又慮為螟蝗又慮夫廐馬之奪其食賊吏之厚其斂焉嗚呼必馬無厭粟者妾無厭羅紈者吾斂其薄矣亦於何厚其所薄耶伏希神明無有所忽禱曰無瘠農人以肥廐馬無寒蠶婦以暖妓妾無銷耒耜以滋兵及農人不飢而天下肥蠶婦不寒而天下安耒耜不銷而天下饒妾暖而嬌兵滋而殘馬肥而豪不蹟不駝足食足衣皇天皇天胡忍是為苟不此為民其嘻嘻神其怡怡尚饗

悲剡溪古藤說

文粹
作文

舒元興

剡溪上綿西五百里多古藤株枿逼土雖春入土脉他
植發活獨古藤氣候不覺絕盡生意予以為本乎地者
春到必動此藤亦本於地方春且有死色遂問溪上人

人

文粹不
疊人字

有道者言

文粹
作云

溪中多紙工持刀

文粹作
刀斧

斬

伐無時擘剥其

文粹無
其字

皮膚以給其業噫藤雖植物者

温而榮寒而枯養而生殘而死亦將似有命於天地間
今為紙工斬伐不得發生是天地氣力為人中傷致一

物疵癘之若此異日過數十百郡泊東雒西雍歷見言

文粹無
言字

書文者皆以剡紙相夸乃

文粹
作字

寤曩見剡藤之

死職正由此

文粹疊
此字

過固不在紙工且今九牧士人自

專言能見文章戶牖者其數與麻竹相多聽其語其自

安重皆不啻握驪龍珠雖苟有曉寤者其倫甚寡不勝

衆者亦皆斂手無語勝衆者果自謂天下

文粹
作之

文章歸

我遂輕傲聖人道使周南召南風骨折入於楊白

二字
文粹

作折
楊黃華中言偃卜子夏文學陷入於淫靡放蕩中比肩

握管動盈數千百人下筆

文粹作筆下

動數千萬言不知其

為謬誤日日以縱自然殘藤之命易甚桑柘

文粹作易其桑葉

波波頽沓未見其止

文粹作止息

如此則妄言文輩

文粹作綺文妄

言輩誰非書剡紙者耶紙工嗜利曉夜斬藤以鬻之雖舉

天下為剡溪猶不足以給况一剡溪者耶以此恐後之

日不復有藤生於剡矣大抵人間費用苟得者其理為

文粹作則不枉之道在則暴耗之過莫由橫及於物物之資

人亦有其時時其斬伐不為沃闕予謂今之錯為

文粹有文

字文者皆沃闕剡溪藤之說文粹作流也藤生也有涯而錯

為文者無涯世

世字文粹疊作無涯

之損物不直於剡藤而已予

所以取剡藤以寄其悲

書褒城驛屋壁

孫樵

褒城驛號天下第一及得寓目視其沼則淺混而茅集作

汗視其舟則離敗而膠庭除甚蕪堂廡甚淺集作殘烏覩

其所謂宏麗者訊於驛吏則曰忠穆公嘗牧梁州以褒

城控三文粹作二節度治所龍節虎旗馳驛奔軺以去以來

轂交蹄劇由是崇侈其驛以示雄大蓋當時視他驛為

壯且一歲賓至者不下數百輩苟夕得其庇飢得其飽

皆暮至朝去者

集無者字

寧有顧惜心耶至如棹舟則必折

篙破舳碎鷁而後止漁釣則必枯泉汨泥盡魚而後止

至有飼馬於軒宿隼於堂凡所以汙敗室廬糜毀器用

官小者其下雖氣猛可制官大者其下益暴橫難禁由

是日益破碎不與曩類其

集作某

曹八九輩雖以供饋之

隙葺

葺文粹作一二加

治之其能補數十百人殘暴乎語未既

有老妪笑於旁且曰舉今州縣皆驛

文粹作役

也吾聞開元

中天下富蕃號為理平踵千里者不裹糧長子孫者不

知兵今者天下無金革之聲而編戶

集作戶口

日益破疆場

無侵削之虞而墾田日益寡生民日益困財力日益竭

其故何哉凡與天子共理天下者刺史縣令而已以其

耳目接於民而政令速於行也今朝廷命官既已輕任

刺史縣令而又促數於更易且刺史縣令遠者三歲一

更近者一二歲再更故州縣之政苟有不利於民可以

出意革去者其

二字集作其甚者

在刺史則曰明日我即去何

用如此在縣令亦曰明日我即去何用如此愁當醉饑

當飽

字文集作愁當醉釀飢當飽鮮

囊帛匱金笑與秩終嗚呼州縣者

其驛耶矧更代之隙黠吏因緣恣為姦欺以賣州縣者乎如此而欲望生民不困財力不竭戶口不破墾田不寡難哉予既揖退老叻條其言書于褒城驛屋壁

蠹化

陸龜蒙

橘之蠹大如小指首負特角身蹙蹙然類蝮蟻而青翳

葉仰嚙如饑螿之速不相上下人或張觸之輒奮角而怒氣色桀驁一旦視之凝然弗食弗動明日復往則蛻

為蝴蝶矣力力拘拘其翎未舒襜黑講蒼

集作蒼黃

分朱間

黃

集作蒼

腹瑱而楯

音墮

絳織且長久醉方寤羸枝不楊又

明日往則倚薄風露攀緣草樹聳空翅輕瞥然而去或

隱蕙隙或留篁端翩旋軒虛颺曳紛拂甚可愛也須臾

犯螿網而膠之引絲環纏牢若桎

文粹作拳

梏人雖甚憐不

可解而縱矣噫秀其外類有文也嘿其中類有德也不

朋而游類潔也無嗜而取

集作食

類廉也向使前不知為

橋之蠹後不見觸螫之網人謂之鈞天帝居而來今復
還矣天下大橋也名位大羽化也封略大蕙篁也苟滅
德忘公崇浮飾傲榮其外而枯其內害其本而窒其源
得不為大螫網而膠之乎觀吾之蠹化者可以惕惕

較貪


楊夔

弘農子遊卞山之陰遇鄉叟巾不完屨不全負薪仰天
吁而復號因就訊諸抑喪而未備乎抑有冤而莫訴乎

何聲之哀而情之苦耶叟致薪而泣曰逋助軍之賦男
獄于縣絕糧者三日矣今將省之前日之逋已貸其耕
犢矣昨日之逋又質其少女矣今田瘠而頻播之莫稔
貨之靡售且以為助軍之用豈一一於軍哉今十未有
二三及於戎費餘悉為外用又黠吏貪官盈縮萬變去
無所之住無所資非敢懷生奈不死何弘農子聞其言
且助其嘆退而省於世萬類中最為民害者莫若虎之
暴將賦之以警貪吏庶少救民病是夕夢驚獸而人言

曰爾欲警于貪將以吾為首雖爾之潔奈辱我之甚乎
余曰賊人之畜以自飽腹爾不為貪哉獸曰不豢不農
何以給生苟不捕野無實吾噉吾以其饑而求食之苟
或一飽則晏然匿跡不為謀矣豈爾曹智以役物豢之
畜之畋之漁之以給其茹也桑之育之經之營之以供
其用也一物之可求一貨之可圖汲汲為謀孜孜繫心
如壑如溪莫滿莫盈豈與吾獲一飽則晏然熟寢而欲
比方哉弘農子驚而寤諦而思若然則人不如獸也遠

矣



文苑英華卷三百七十四

欽定四庫全書

集部

文苑英華卷三百七十五至
八十

詳校官庶吉士臣柳遵祖

助教臣常循覆勘

總校官進士臣朱 鈔

校對官中書臣鮑之鍾

謄錄監生臣黃 鑫

欽定四庫全書

文苑英華卷三百七十五

宋 李昉等 編

論事

西邊患對一首

叛解一首

罪言一首

原十六衛一首

書田將軍邊事一首

西邊患對

沈亞之

元和十有二年夏六月亞之西出咸陽行岐隴之間採

其風得西土亡降故老為余言邊之所以為患可痛之
狀辭甚條悉或短曰微叟以西戎蠕蠕之旅而為邊出
若言使聞北塞匈奴雜虜之風叟曾不哭

文粹
作知

也蓋天

子之憂甚勤與師長分節符給所用以事邊何困對曰
不然今言所以為患者非一因此而邊兵不得習伎險
不得為固百姓不可為生如此吏尚輕易之然則北虜
匈奴雖以逸馬強弓乘嚴寒時南馳其來眾不過數千
其所掠民財貨一人所舉而已猶鷲隼不能止屯兵留

塞且北迥

集作過

千里而屬烽望其興塵知奔蹄之幾

受降

城故事云虜南下望其塵高下則知衆寡

視其狀則烽燧次發然後收民畜

嚴壁而待之且每歲八月戍有清野之火使其馬無所

食彼縱至不暇解鞍而旋矣而西戎則不然其衆蟻聚

多包山川沮陸之利其兵材雖

集有一字

不能當唐人然其

策甚遠力戰不患死所守必險所取必地而唐人軍中

以為材不能皆易之故自安西以東河蘭伊甘及西涼

至於會寧天水萬三千里凡六鎮十五軍皆為西戎有

由易而見亡也聞其始下涼城時圍兵厚百里伺其城
既窘乃令能通唐者告曰吾所欲城耳城中人無少長
即能東吾亦謹兵無令有傷去者城中爭號曰能圍即

集有東字解其後取他城盡如涼城之事由此人人皆固生

無堅城意自得集作羅其策以來為語相傳尚近奈何客

獨不聞其說乎岐隴所以可固者以隴山為阻也昔其

林比避必切繁故戎不得為便道今盡於斬伐矣而蹈者

無集作有字不達且又虛兵集有之字號與實十五又有非戰鬪

而役入山林伐麋

集作麋

鹿熊

集作熊

麋麋豪豕是徭者居

十之三窮岳障芟

集作芟

繁取材斤聲合叫不息於寒暑

是徭者居十之四發畜粟金繒文松大梓竒藥珍

集作言

禽薰臭之具挽轅於陸浮筏於渭東抵咸陽入長安部

署相屬是徭者居十之二其餘兵當守烽擊柝晝夜捕

候者則皆困於饑寒衣食或經時不賑顧其心怨望幸

非常尚能當戎耶是皆賴主上聖神彼戎畏其化而不

敢東及今岐隴之土甚饒而農食不充糝稗衣結縷無

完

集作帛

布其租稅納粟官一而耗倍細吏憑法而要賂

賂厚者雖逋亦寬之粟雖後至必亟與符賂薄者或稽
一日即白吏笞之粟當輸則曰次當某人又當某人故
有累日而不得者其他征徭倣此農盡所獲不能出其
費尚無不忍更是民由蓬息而處又何聊生今所患衆
多其畧可痛如此長吏終不省尚輕易之噫奈何為不

困

叛解

李甘

或曰申恒何讐而叛解曰盜賊富家

文粹作豪

讐乎且憚其

財而強索之若寃其主也申習盜恒習賊差乎解曰害

財曰盜以盜害人曰賊天下有士家之有紵粟也天下

有相家之有子弟也申憑葉縣非盜歟恒驚宰相非賊

歟或曰有盜一金費千

文粹作十

金而可捕為之乎有賊一

夫殺十夫而可磔行之乎今三年兵之

一有費字

非千

文粹作十

金而捕如費何萬人死之罪

文粹無罪字

非十夫而磔如殺

何解曰以金為輕而不捕則窮人家謀盜矣富人家

家遇盜矣以一夫為寡而不磔則壯夫人人為賊矣懦
夫人人被賊矣是故盡天下之盜者三年為蚤也勝天
下之賊者萬人為少也或曰吾聞勇夫重閉蓋鍵乎解
曰天雨垣敗盜賊乘之門之閉耶曰以彼習叛之巧也
贖而吏之何如解曰盜賊欲巧吏不欲擾如贖娼而為
妻也為娼且淫為妻且禁乎者也

文粹無
此二字

罪言

杜牧

國家大事某不當言實言之

集作
之實

有罪故以云

集作
罪言人

生常病兵兵祖於山東循於天下不得山東兵不可死
山東之地禹畫九土一曰冀州舜以其分野太大離為
幽州為井州程其水土與河南等常重十一二故其人
沈鷲多材力重許可能辛苦自魏晉已下惰浮羨淫工
機織雜意態百出俗益卑弊人益脆弱唯山東敦五種
本兵矢他不能蕩而自若也復產健馬下者日馳二百
里所以兵常當天下冀州以其恃強不順理冀其必破
弱雖已破弱冀其後強大也井州力足以井吞也幽州

幽陰慘殺也故聖人因其風俗以為之名黃帝時蚩尤

為兵階

阪泉在今
媯川縣

自後帝王多居其地豈尚其俗都之

耶自周劣齊霸不一世晉太常傭役諸侯至秦萃銳三

晉經六世乃能得韓遂折天下脊復得趙因拾取諸國

秦末韓信聯齊有之故蒯通知漢楚輕重在信光武始

於上谷成於鄆魏武舉官渡三分天下有其二晉亂胡

作至宋武號為英雄得蜀得關中盡得

唐書
作有

河南地十

分天下有其

二字唐
書作之

八然不能使一人渡河以窺胡至

于高齊荒蕩宇文取得

唐書作之

隋文因以滅陳五百年間

天下乃一家隋文非宋武敵也是宋不得山東隋得山

東故隋為王宋為霸由此言之山東王者不得不可為

王霸者不得不可為霸猾賊得之是

唐書作足

以致天下不

安國家天寶末燕盜徐起出入成臯函潼間若涉無人

地郭李輩常以兵五十萬不能過鄴自爾一百餘城天

下力盡不得尺寸人望之若迴鶻吐蕃義無有敢窺者

國家因之畦河修障戍塞其街蹊齊魯梁蔡被其風流

因亦以為寇以裏拓表以表撐裏混瀕迴轉顛倒橫斜
未嘗五年間不戰生人日頓委四夷日昌熾天子因之
幸陝幸漢中焦焦然七十餘年矣嗚呼運遭章

集作武

澣衣一肉不畋不樂自卑冗中拔取將相凡十三年乃
能盡得河南山西地洗削更革罔不順適唯山東不服
亦嘗再攻之皆不利以返豈天使生人未至於帖泰耶
豈其人謀未至耶何其難哉何其艱哉今日天子聖明
超出古昔志於理平若欲悉使生人無事其要在先去

兵不得山東兵不可去是兵殺人無有已也今者上策
莫如自治何者當貞元時山東有燕趙魏叛河南有齊
蔡叛梁徐陳汝白馬津盟津襄鄧安黃壽春皆戍厚兵
凡此十餘所纔足自護治所實不輟一人以他使遂使
我力解勢弛熟視不軌者無可奈何階此蜀亦叛吳亦
叛其他未叛者皆迎時上下不可保信自元和初至今
二十九年間得蜀得吳得蔡得齊凡收郡縣二百餘城
所未能得唯山東百城耳土地人戶財物甲兵校之往

年豈不綽綽乎亦足自以為治也法令制度品式條章
果自治乎賢材奸惡搜選置捨果自治乎障戍鎮守干
戈車馬果自治乎井閭阡陌倉廩財賦果自治乎如不
果自治是助虜為虐環土三千里植根七十年復有天
下陰為之助則安可以取故曰上策莫如自治中策莫
如取魏魏於山東最重於河南亦最重何者魏在山東
以其能遮趙也既不可越魏以取趙固不可越趙以取
燕是燕趙常取重於魏魏常操燕趙之性命也故魏在

山東最重黎陽距白馬津三十里新鄉距盟津一百五

十里

黎陽新鄉並屬衛州

陴壘相望朝駕暮戰是二津虜能潰一

則馳入成臯不數日間故魏於河南間亦最重今者願

以近事明之元和中纂天下兵誅蔡誅齊頓之五年無

山東憂者以能得魏也

田宏正來降

昨日誅滄頓之三年無

山東憂者亦以其能得魏也

史憲誠來降

長慶初誅趙一日

五諸侯兵四出潰解以失魏也

田布死

昨日誅趙一日罷

如長慶時亦以失魏也

李聽敗

故河南山東之輕重常懸

在魏明白可知也非魏強大能致如此地形使然也故
曰取魏為中策最下策為浪戰不計地勢不審攻守是
也兵多粟多敵人使戰者便於守兵少粟少兵不敵自
戰者便於戰故我常失於戰虜常困於守山東之人叛
且三五世矣今之後生所見言語舉止無非叛也以為
事理正當如此沉酣入骨髓無以為非者指示順向抵
侵族嚮語曰叛去酋酋起矣至於有圍急食盡餒屍以
戰以此為俗又豈可與決一勝一負哉自十餘年來凡

三收趙食盡且下堯山敗

郗尚書
士羨

趙復振下博敗

杜叔良

趙復振館陶敗

李聽

趙復振故曰不計地勢不審攻守為

浪戰最下策也

原十六衛

國家始踵隋制開十六衛將軍總三十員屬官總一百

二十八員署守

集作
字

分部夾峙禁省厥初歷今未始替

削然自今觀之設官言無謂者其十六衛乎本原事跡
其實天下之大命也始自貞觀中既武遂文內以十六

衛畜養戎臣

褒公鄂公之徒
並為諸御將軍

外開折衝果毅府五百七

十四以儲兵伍或有不幸方二三千裡為寇土數十百

萬人為寇兵蠻夷戎狄踐踏四作此時戎臣當提兵居

外至如天下平一暴勃消削單車一符將命四走莫不

信順此時戎臣當提兵居內當其居內也官為將軍綬

有朱紫章有金銀千百騎趨奉朝廟

集作
謁

第觀車馬歌

兒舞女念功賞勞出於曲賜所部之兵散舍諸府上府

不越一千二百人

五百七十四府
凡有四十萬人

三時耕稼襍禡耒

一時治武騎劍兵矢禪衛以課父兄相言不得業他籍
藏將府伍散田畝力解勢破人人自愛雖有蚩尤為帥
雅亦不可使為亂耳及其當居外也緣部之兵被檄乃
來受命於朝不見妻子斧鉞在前爵賞在後以首爭首
以力搏力飄暴交捽豈暇異略雖有蚩尤為帥雅亦無
能為叛者一作也自貞觀至于開元末百三集作五十年間
戎臣兵伍未始逆篡此聖人所能柄統輕重制障表裏
聖筭神術也至於開元末愚儒秦章曰天下文勝矣請

罷府兵詔曰可武夫奏章曰天下力強矣請搏四夷詔

曰可於是府兵內剷邊兵外作戎臣兵伍湍奔矢往內

無一人矣起遼走蜀繚絡萬里事伍強寇

奚契丹吐蕃雲南大食國

十餘年中亡百萬人尾大中乾成燕偏重而天下掀然

根萌燼然七聖肝食求欲除之且不能也由此觀之戎

臣兵伍豈可一日使出落鈴鏈哉然為國者不能無也

居外則叛

韓黥七國近者
祿山僕固是也

居內則篡

莽卓曹馬
已下是也

使外不

叛內不篡兵不離伍無自焚之患將保頸領無烹狗之

喻古今已還法術最長其置府亡衛乎近代以來於其將也獎復為甚也人囂曰廷詔命將也名出視之率市

兒輩蓋多稽

文粹作賂

金玉負倚幽陰折券交貨所能也絕

不識父兄禮義之教復無慷慨感槩

川文粹作激

之節

集作氣

百城千里一朝得之其強傑愾勃者則撓削法制不使

縛已斬族忠良不使違已力一勢便罔不為寇其陰泥

去聲巧狡者亦能家筭口歛委於邪倖由卿市公去郡得

都四履所治指為別館或一夫不幸而壽則憂割生人

畧匝天下是以天下每每兵亂湧溢齊人乾耗鄉黨風俗淫窳哀薄教化恩澤擁抑不下召來災沴被及牛馬嗟乎自愚而知之人其盡知之乎且武者任誅如天時有秋文者任治如天時有春是天不能倒春秋是豪傑不能愬文武是此輩受鉞誅暴乎曰於是乎在某人行教乎曰於是乎在欲禍嘉不作未之有也伏惟文皇帝十六衛之旨誰復而原其實天下之大命也故作原十六衛

書田將軍邊事

孫樵

背臨邛南馳越二百里得嚴道郡實與沉黎越雋俱為
邊城逼於羣蠻田在賓將軍刺嚴道三年能條悉南蠻
事為樵言曰巴蜀西逼于戎南逼于蠻宜其有以制之

者當廣德建中間西戎兩飲馬於岷江其衆如蟻前鋒

魁健皆擐五蜀之甲持倍尋之戟徐呼按

文粹
作接

步且戰

且進蜀遇鬪如植橫堵羅戈如林發矢如蟲皆折及失

集作吞 鏃不能斃一戎而况陷其陣乎然其戎兵踐吾地

日深而疫死者日衆即自度不能留亦輒引去故蜀人
為之語曰西戎尚可南蠻殘我自南康公鑿青溪道以
和羣蠻俾由蜀而貢又擇羣蠻子弟聚于錦城使習書
筭業就輒去復以他繼如此垂五十年不絕其來則其
學於蜀者不啻千百故其國人皆能習知巴蜀土風山
川要害文皇帝三年南蠻果能大入成都門其三門大
成都是一句門其三門是一句今文粹集本盡削其三
門三字而云大入成都門乃不成語賴英華可證其非
四日而旋其所剽掠自成都以南越雋以北八百里之

間民畜為空加以敗卒貧民持兵羣聚因緣劫殺官不

能禁由是西蜀十六州至今為病自是以來羣蠻常有

屠蜀之心居則息畜聚粟動則練兵講武集作戰非而又俾

其習於蜀者伺連帥之間隙察兵賦之虛實或聞蜀之

細民苦於重征且將啓之以幸非常李丞相固言鎮西蜀時有編民李權

者達子齋書通蠻言蜀無備可取狀邊戍搜獲之按問得實棄市至今或有踵其所為者吾不知羣

蠻此舉大劍以南為國家所有乎且每歲發卒以戍南

者皆成都頑民飽稻飫豕十九如瓠雖知鉦鼓之數不

習山川之險吾常伺其來朔風正嚴緩步坦途日次一

舍固已呀然汗矣而况歷重阻即嚴程束甲而趨拔戟

而鬪耶加以為將者刻薄以自入餽餽者縱吏而一作

鼠竊縣官當給帛則以苦文粹作踈而易良當賑粟則以砂

而參粒每歲當給帛主將輒先市輕帛以易重帛然後散諸邊卒當給糧下吏必先盜其米然後以砂

補其數以給邊卒以此為恨四字集作常以口為怨之也如此則邊卒將怨望之不

暇又安得集作能殊死而力戰乎此巴蜀所以為憂也樵

曰誠如將軍言苟為國家計者孰若詔嚴道沉黎越雋

三城太守俾度其要害按其壁壘得自募卒以守之且
兵籍於郡則易為役卒出於邊則習其險而又各於其
部繕相美地分卒為屯春夏則耕蠶以資其衣食秋冬
則嚴壁以俟其寇虜連帥即能督之歲遣廉白吏視其
卒之有無劾其守之不法者以聞如此則縣官無餽餉
之費奸吏無因緣之盜兵足食給卒集有胥字無怨於將軍
則如之何四字集作如何田將軍曰如此何患言卒遂書

文苑英華卷三百七十五

欽定四庫全書

文苑英華卷三百七十六 宋 李昉等 編

雜製作

中和樂九章

補大戴禮祭法文一篇

補周禮九夏系文一篇 九夏歌九篇

山書十八篇

中和樂九章

盧照隣

歌登封第一

炎圖喪寶黃歷開璿祖武類帝宗文配天王鑾垂日翠
華陵煙東雲干呂南風入絃山稱萬歲河慶千年金繩
永結壁麗長懸

歌明堂第二

穆穆聖皇雍雍明堂左平右城上圓下方調均風雨制
度陰陽四窻八達五室九房南通夏火西瞰秋霜天子
臨御萬玉鏘鏘

歌東軍第三

遐哉廟畧赫以台臣橫戈碣石倚劍浮津風兵拂籜日
域清塵鳧夷復祀龍伯來賓休兵寓縣獻馘天闈旆海

凱入耀

一作
翫

輝震震

歌南郊第四

虔郊上帝肅事圓丘龍駕四牡鸞旗九旒鍾歌晚引紫
煬高浮日麗蒼壁雲飛外求皇之慶矣萬壽千秋

歌中宮第五

祥遊沙麓慶洽瑤衣黃雲晝聚白氣宵飛居中履正稟

和體微儀刑赤縣演教椒闈陶鈞萬國丹青四妃河洲
在詠風化攸歸

歌儲宮第六

波澄少海景麗前星高禩誕聖甲觀昇靈承規翠所問
寢瑤庭宗儒側席問道橫經山賓皎皎國胄青青黃裳
元吉邦家以寧

歌諸王第七

星陳帝子嶽列天孫義光帶礪象著乾坤我有明德利

建倅疑存苴以茅社錫以犧樽藩屏王室翼亮堯門八
才兩獻夫何足論

歌公卿第八

蹇蹇三事師師百寮羣龍在職振鷺盈朝豐金輝首珮
玉鳴腰青蒲翼翼丹地翹翹歌雲佐漢捧日匡堯天工
人代邈邈昭昭

總歌第九

明明天子兮聖德揚穆穆皇后兮陰化康登若木兮座

明堂池濛汜兮家扶桑武化偃兮文文化昌禮樂昭兮股肱良君臣已定兮永無疆顏子更生兮徒皇皇若有
人兮天一方忠為衣兮信為裳滄白玉兮飲瓊芳心思
荃兮路阻長

補大戴禮祭法文

皮日休

祭法曰法施於人則祀之咎繇作帝謩為士師其道參
乎舜禹不曰法施於人乎何祀典之闕哉祭法曰能禦
大災則祀之堯舜之世山林蕃鳥獸暴益作虞也山林

踈鳥獸鮮人民安不曰能禦大災乎何祀典之闕哉祭

法曰以勞定國則祀之昔者周公輔武以寧殷亂佐成

而定

集作立

周業制禮樂立明堂不曰以勞定國乎何祀

典之闕哉如以咎繇伯益之功小於舜禹不在祀典則

契為司徒而民成咎繇也冥勤其官而水死伯益也如

以聖人制禮自有七廟不合列在禮典則文王以文治

武王以武功周公也如皆以功烈列於民者則吾之先

師仲尼邁德於百王垂化於萬代孰不若契為司徒冥

勤其官也哉日休懼聖人之文將亂而墜敢參補而附之其文曰

咎繇能平其法以位終益能立其功以讓禹政周公以文化仲尼以德成非此族也不在祀典

補周禮九夏系文

周禮鍾師掌金奏九

凡集作

樂事以鍾鼓奏九夏按鄭康

成注云夏者大也樂之大者歌有九也九夏者皆篇名也頌之類也此歌之大者載在樂章樂崩亦從而亡是

以頌不能具也嗚呼吾觀之魯頌其古也亦以久矣九
夏亡者吾能頌乎夫大樂既去至音不嗣頌於古不足
以補亡頌於今不足以入用庸可頌乎頌之亡者俾千
古之下鄭衛之內窈窕冥冥不獨有大卷

音權黃帝樂名也

之

一音

集作章

者乎

九夏歌九篇

王夏之歌者王出入之所奏也

爌爌皎日歛麗于天厥明御舒如王出焉爌爌皎日歛

入于地厥晦惟貞如王入焉出有龍旂入有珩珮勿驅
勿馳惟慎惟戒出有嘉謀入有內則繫彼臣庶欽王之
式

王夏四章章四句

肆夏之歌者尸出入之所奏也

惜惜清廟儀儀袞服我尸出矣仰

集作迎

神之穀杳杳陰

竹坎坎路鼓我式入矣得神之祐

肆夏二章章四句

昭夏之歌者牲出入之所奏也

有鬱其鬯有儼其粢九變未作全

集作金

乘來之既酌既

酢爰棟

音盾小鼓

爰舞象物既降全

集作金

乘之去

昭夏二章章四句

納夏之歌者四方賓客來之所奏也

麟之儀儀不繫不維樂德而至如賓之娛鳳之愉愉不

筭不效樂德而至如賓之娛自筐及筥我有牢米

集作酌

自筐及筥我有貨幣我牢不憇我貨不匱碩碩其才有

樂而止

納夏四章章四句

章夏之歌者臣有功之所奏也

王有虎臣錫之鈇鉞征彼不慍一撲而滅王有虎臣賜

集作錫

之珪瓚征彼不享一虔

集作烘

而泮王有掌訝道

音偵

爾疆里王有掌客饌

於限反飽之貌

爾饗餼何以樂之金石九

奏何以賜

集作錫

之龍旂九旒

去聲

章夏四章章四句

齊夏之歌者夫人祭之所奏也

墟墟

集作墟墟
皆可疑

衡筭翬翬禴狄自內而外為君之則

齊夏一章章四句

族夏之歌者族人酌之所奏也

洪源誰孕䟽為江河大塊孰埏播為山岳厥流浩漾厥
勢嵯峨今君之酌慰我實多

族夏二章章四句

祓

讀為

夏之歌者賓醉

集作歸

出之所奏也

禮酒既酌嘉賓既厚饋為之奏禮酒既竭嘉賓既悅應
為之節禮酒既罄嘉賓既醒雅為之行

饋應雅三樂器也賓醉而出奏

祴夏以此三器築地為之行事也

祴夏三章章三句

鶩夏之歌者公出入之所奏也

桓桓其珪衮衮其衣出作二伯天子是毗桓桓其珪衮
衮其服入作三孤國人是福

鶩夏二章章四句

山書一十八篇

井序

劉 蛻

予於山上著書一十八篇大不復物意茫洋乎無窮自
號為山書

天地之氣復則結者而為山也融者而為川也結於

集作

為非其所者安靜而不動融於其時者疏決以

集作而

忘其

及二字集作反故山之性為近正川之性為革為

二字集作融

是

以處其結者有集作為君子處其融者為利人

天地之先未嘗有形故字其刑為人民為禽蟲萬物然

後受其字據其形之動曰生形之靜曰死嗚呼我苟不
生乎天地先而未嘗用其形竅以出納斯非混沌之似
乎故吾以混沌不當在天地先而在我之不為萬物

集無

萬字鑿者而已矣

壞人者天地也使其數出故觀數以象動則有爭殺亂
患夫數始乎手足故離吾之指為吾視其指而心亦離
則數數人乎心四字集作入矣故知指生六而為有餘生四
而為不足不足與其集作有餘也為體不備嗚呼心既分

身之有餘與不足也則爭殺亂患何嘗不足盡

二字集
作目

其數出

聖人重其生以榆出先濟其用故甘羶之臭出於榆末

而後網罟不足於也

集作
野

以牢養

集作
豢

於宮中故天下

忘身以自給嗚呼上古食而棄其餘

集作
榆

熟而棄其皮

亦足矣

是知聖人欲化而更亂其生聽鳳鳴而吹管果象也故

有象竹之聲者必有象葭之器其

集作
然

則造其為

集作
鳴

而耻葭學者鳳也故不世而來造其象而耻人學者聖人也故末世而不出嗚呼

江河鑿而山木泣以為川既出而必伐舟也舟既入水

而蛟魚相對

集作市

以其居泉而遠於殺者也今則造泉

之具成是大道存而異其質大道亡而運

集作連

其禍

利以觀

集作勸

天下利盡而天下畔道以歸天下道薄而

天下去嗚呼為利物所間

集作惡

為道亦不偽故始愛其

應者終亦將以應人然則利盡所畔者必滅其後道薄

而所去者貴不殺其孤而已

城郭溝池以固民也有竊城郭溝池以盜民

集作
氓字

者則

殺人甚於不固夫有竊固之具必有功

集作
攻

固之利苟

有利之物寇必生其下是以太古安民以巢故於野則
無爭巢固民則相殺

車服妾媵所以奉貴也然而奉天下來事貴者賤夫有
車服必有雜珮有妾媵必有娛樂聖人既為之貴賤是
欲鞭農父子以奉不暇雖有杵臼吾安得粟而舂之鳴

呼教民以杵臼不若均民以貴賤

古之弓矢所以防惡也懷惡者在內所以能避

集作持

弓

矢也故射惡未及死而奪械可以殺人於天下天下從而禁畜私械者嗚呼古之弓矢所以防惡也今則不然反防人之持弓矢也

萬物無常聲而主聲者定其悲歡則聽在心而耳職廢也謂雷為可畏則以畏聲聽之不知有時雷可長養也謂瑟為可狎則以狎聲聽之不知有時瑟可流哀

集作衷

也則有幽思之深砧聲之悲也去家日遠雨聲之愁也
嗚呼悲愁果在心也雷與瑟無常聲也

為學豈有歲故勞於農夫以其有遇世也故佚於使人
然而雖佚不妄集作忘學以其勞而未嘗運是故死而不

得止

集作正

其心古有志者猶悲日月之易于人也故謂

集作為

飛鳥走兔在其中付大藏之鑰未必有信之友也

夫取人之鑰必薦信以入其中

集作心

受人之託必有情

以寄其內故大信者不使人付

集作信

有道者不使人求

棺衣之厚葬以王禮百姓不貪其死以其愛名不甚於
愛身任時之重必多怨借君之權必易死是於名則君
子愛身不甚於百姓焉

聖人有意哉故勸善以爵使利爵者樂脩夫惡殺人與
殺盜鈞為仁人之心則亦名盜以爵嗚呼使聖人無意
則勸善不以爵矣故君子為善不獨樂欲為一作與聖人
而出是不見仁人之術使爵以名盜乎

食秦人之炙則懷其妻子聞秦婦之嫁則垂涕悲其身

當是時亦疑天下之妻矣吾過富貴之門則懷其爵矣
及聞秦人以爵死者則垂涕悲其身當是時不顧天下
之貴矣

有惡雀鹿

集作爵祿

之甚者揮

集作持

帚以驅雀結罟以禁鹿

夫帚罟既可以駭物則帚罟必可以取物嗚呼執其具
以逐雀鹿安知不有學其具以取之故善惡去者不必
惡其名善逐者不示人以其具

猿鳴不過薜蘿以其有蔓蔓者必組物夫能過其組必

自破

駢集作駢

其心嗚呼髻之組吾髮也帶之組吾腰

身一作

也線

集作線附之

之組吾衣

集作身

也亦是

集作是不足

矣今蔓在

天下安得復破

駢集作駢

其心哉

文苑英華卷三百七十六

欽定四庫全書

文苑英華卷三百七十七 宋 李昉等 編

征伐

為建安王誓衆詞一首 補逸書一首

讀司馬法一首

雜製作

時日無吉凶解一首 祆祥辨一首

相解一首 禹書上下二篇

較農一首

疏亡一首

刪方策一首

寒泉子對秦惠王一首

讀韓詩外傳一首

題叔孫通傳一首

題後魏書釋老志一首
題安昌侯傳一首

征伐

為建安王誓衆詞

陳子昂

諸惣管部將旗長隊正各聽命夫聖人用兵以伐有罪
姦慝竊命戎夷不龔則必肆諸市朝大戮原野我皇周

子毓萬國寵綏百蠻遐荒戎狄莫不率職契丹凶羯敢

謀亂常蜂聚九

凡一作

山豕食遼塞

十六字集作聚兵率衆非欲勞人蓋逆不

可縱亂不可長所以屈已推轂垂涕泣辜誠恐蒼生顛
墜塗炭今契丹凶羯敢亂天常為封豕長蛇荐食上國
玉帛布幣棄而不貢名器正朔僭而有謀乃將紿神虐人暴殄天物故

皇帝命我肅將王

誅今大師已集方將問罪公等諸衆及士卒已上須各

嚴職事肅恭天命契丹凶賊本為中國奴隸昏狂不道

勞我師徒今與公等及士卒久勤干戈冒犯霜露夫四

郊多壘士大夫之恥最爾凶狡一劍可屠况皇帝義兵

尅期誅剪此猶太山壓卵鴻毛在鑪今日之伐須如雷
霆之震虎豹之擊塞旗斬馘掃孽除凶上以據至尊之
憤下以息邊人之患鼓以作氣旗以應機公等各宜戮
力務當其任若能奮不顧其二字集
作顧命陷堅摧鋒金紫
玉帛國有重賞若進退留顧向背失機斧鉞嚴刑集作
誅
軍有大戮各自集作
宜勉勵無犯典刑

補逸書

湯征諸侯葛伯不祀湯始征之作湯征湯征葛伯荒怠

敗禮廢祀湯專征諸侯肇徂征之湯若曰格爾三事之

人逮于百

集作有

衆啓乃心正乃容明聽予言咨先格王

有彛訓曰祿無常荷荷于仁福無常享享于敬惠乃道

保厥邦覆乃德珍厥世惟葛伯反易天道怠棄邦本虐

于民慢于神惟社稷宗廟罔克尊奉暨山川鬼神亦靡

禋祀告曰罔犧牲以共俎羞予介

集作界

厥牛羊乃既于

盜食曰罔黍稷以奉粢盛予佑厥稼穡乃困于仇餉今

爾衆曰葛罪其予聞

文粹作其如予

予聞曰為邦者祇奉明神

撫綏蒸民二者克備尚克保厥家邦吁廢于祀神震怒

肆于虐民離心自

集作頃

繩契已降暨于百代神

集有起字

亟民叛而不顛隳者匪我攸聞小子履以涼德欽奉天

威肇征有葛咨爾有衆克濟厥功其有傲師徒戒車乘

敬君

文粹作吾

事者有明賞其有罔率職罔戮力不冀命者

有常刑明賞不僭常刑無赦嗚呼朕告汝衆君子鑒于

茲欽哉懋哉罰及乃躬不可悔

讀司馬法

皮日休

古之取天下也以民心今之取天下也以民命唐虞尚
仁天下之民從而帝之不曰取天下以民心者乎漢魏
尚權驅赤子於利刃之下爭寸土於百戰之內由士為
諸侯由諸侯為天子非兵不能為非戰不能服不曰取
天下以民命者乎由是編之為術六韜也術愈精而殺人

愈多法益切

文粹
作工

而害物益甚嗚呼其益不仁矣蚩蚩

之類不敢惜死者上懼乎刑次貪乎賞民之於君猶子
也何異乎父欲殺其子先紿以威後啗以利哉孟子曰

我善為陳我善為戰大罪人也

文粹作大罪人
集作大罪也

使後之

君子民有是者雖不得土吾以為猶上焉

雜製作

時日無吉凶解

沈顏

古者國家將有事乎戎祀必先擇時日以定其期是用
備物於有司習儀於禮寺俾臻其慮而戒其誠非所以
定吉凶決勝負也後之惑者不詳其故惟考時日妄生
穿鑿斯風不革拘忌益深至使凡庶之家將欲越一溝

隍折一葭葦必待擇日而後為之構一衡宇雖一榛蕪
必審方位而後為之且吉凶由人焉繫時日夫四遠之
衢輪蹄未嘗息也五都之市貨賄未嘗絕也萬家之邑
斤斧未嘗斷也七雄之世戰伐未嘗已也其凶也必由
於人其吉也必由於人故吉人凶其吉凶人吉其凶一
於人之所為而已矣然則惑者不知其在人有一不知
則罪於時日矣且以不謀之將不練之士有能時日勝
者乎不耕之土不實之穀有能以時日種者乎以鐵為

金以石為玉有能以時日濟者乎是皆不能也則時日於人何有哉夫王者之兵以德勝霸者之兵以義勝其次以智其次以勇故古之名將未嘗不以此而戰勝也未嘗不以此而立功者也

妖祥辨

凡所謂祥者必曰麟鳳龜龍醴泉甘露景星朱草所謂妖者必曰天文錯亂草木變性川竭地震冬雷夏霜或者以為察王道之廢興國家之治亂則古稽字考於是

而不知君明臣忠百司稱職國之祥也信任讒邪棄逐
讜正刑賞不一貨賂公行國之妖也既三代已後廢興
之兆理亂之故鮮不由此矣若嚮所祥者果祥則周道
衰而麟見妖者果妖殷道盛而桑穀生庭不其明與也
一無
也字

相解

皮日休

今之相工言人相者必曰某相類龍某相類鳳某相類
牛馬某至公侯某至卿相是其相類禽獸則富貴也噫

立形於天地分性於萬物其貴者不過人焉有真人形而貧賤類禽獸而富貴哉將今之人言其貌類禽獸則喜真人形則怒言其行類禽獸則怒真人心則喜夫以鳳為禽耶鳳則仁義之禽也以騶虞為獸耶騶虞則仁義之獸也今之人也仁義能符於是哉是以行又不若於禽獸也宜矣哉

集無
哉字

或曰相者有乎哉曰上善出於

性大惡亦出於性中庸之人善惡在其化者也上善出

於性若文王在母不憂

體不變
故不憂

重耳弱不好弄是也大

惡亦出於性若商臣之蜂目豺聲必殺其父叔魚之虎

目豕腹

集作心

必以賄死是也中庸之人善惡在其化者

若大舜設化而有苗格仲尼垂諭而子路服是從善而
化者也若齊桓公管仲輔之則霸豎貂輔之則亂是從
惡而化者也故舜相於堯而天下平禹相於舜而大災
弭咎繇相禹斯為相見者也見人知其賢愚見國知其
治亂亦相也或曰賢愚者見行事而知也敢問聖人之
相人知其有位哉曰堯之於舜任之以天下知其有位

也舜之於四凶投之於四裔知其無位也曰苟若是聖人之能相人也是必賢者得其位不肖者不立朝三苗

九黎焉得以國

文粹作侯

飛廉惡來焉得以爵曰有是者其

君不能相也將其國之是滅豈暇相人而用哉是則三苗九黎未聞不滅飛廉惡來未聞不誅嗚呼聖人之相人也不差忽微不失累黍言其善必善言其惡必惡言其勝任必勝任今之人不以是術行其心區區求子卿唐舉之術居其窮處其困不思以道達不思以德進言

其有位必翻然自負生

集作生

白屋有公侯之姿食藜藿

有卿相之色蓋不能自相其心者也或有士居窮處困望一金之助已有沒齒之難有妄誕之人自稱精子卿唐舉之術取其金則易於反掌耳有能以聖賢之道自相其心哉嗚呼舉世從之吾獨戾也其不勝明矣

禹書上

劉蛻

以功不就而受誅則可謂勤民而死乎曰不然然則夏之郊也奚不尋其先安得以鯨配曰以功不可就則不

可謂勤民

文粹作以功不就則可謂勤民

而死也以誅其身則可為

文粹

作謂勤其家矣不怨君誅而尋父功鯀當誅也傳曰不以

家事辭王事既勤其家為天下故報其勤家於夏郊而

已矣有鯀之誅而不廢其功禹為其子也不以得

集作得

天下而擇其功者禹

文粹有為字

之事鬼神也微禹之為子

先人之罪將不食矣故其子之功由勤父嗣也然則夏

郊宜矣於是君誅其怠也而子不怨而家祭其勤也民

神

文粹作弗

畔蓋禹以天下不逮事其父而致孝乎鬼神云

禹書下

治天下之野見之於夏功而未見先於夏功者久矣夫

八年之間生聚非不壞也委積非不耗也常無憂則人

怨無樂則民愁

文粹作帝憂則民愁樂則民喜

故以憂樂隱顯而助之

常

集作帝

能治其心也

集作者

故禹後雖以身先天下而不

以一身負天下之土石以其得治世之心而易使也嗚

呼必不得和心之人而為可以智治則豈羽山之下忍

不以智獻其父者歟夫

夫文粹作天下

見濡手足之禹則不見

土階之上以治憂樂者也故曰心治乎人也功治乎水也其可獨禹云乎

較農

功以救於民賴其功者有違順德以化於民敦其民者有疾徐夫以三月除穀地五月穀入土雖當世不拔其苗後世不毀其穀其飲食之道順於情也故生不疵癘其道死則俎豆其功集無功字聖人救壞以禮垂世以法當世伐其樹後世毀其法所以禮違其情法違其欲者也

是以生為旅人，疢癘於天下，肉腐於俎，酒乾於器，然後為聖人。是愚民賴聖人之功，忘聖人之道，嗚呼！禮亡而爭器矣。雖有粟，弱者安得而食之？法壞而奪其三時矣。雖有山澤，農者安得而種也。

集作之

疏七

盜惡名也。取之有以合聖人，若取其亂而理之，取其死而生之，則民樂其取也。後豈擇其故歟？昏夜之盜為小人，衰亂之盜為丈。

一作丈

夫能知其取者而嘗蹈其背

也故不以無人而棄其守者有大棄天下者仁義盜其名有小棄其國者小人有盜其器故春秋不貶其器聖人以一作必正其名嗚呼盜非惡名也左右前後亦可懼哉

刪方策

古之記惡將以鑑惡而後世為昏謏淫逆徒而將徵於古謂古不盡善若其涕泣以信其詐罪已以固其恩陰謀反覆從書以滋其智矣然而記惡者將以懼民也去

善者不足懼昔紂讀是

一無是字

夏書而嘗

一作常

笑其亡國

嗚呼惡既不足以鑑則刑

一作刊

可也古無其迹可也無

其迹可也

集不疊此五字

寒泉子對秦惠王

陸龜蒙

寒泉子

秦之處士

見秦惠王曰客有自趙來以約從連橫事

說大王者為誰惠王曰東周人蘇秦也寒泉子曰書六

上而王弗聽有之乎曰然其道如何王耶霸耶曰霸黜

其霸以濟

一作躋

王乎曰不

一無不字

然則何上書之煩而不

用之棘

一作而用之踈

乎惠王曰醯鷄不能混雷霆嬰兒不能

抗烏獲者響與之懸絕故也蘇子誠辨矣安能以三寸

舌媁

一作謀

山東諸侯使西面朝秦者乎寡人非不知不

破一頷甲不折一隻

一作枝

矢之為利也顧其猶捕風耳

諸侯不可一非一朝也齊桓晉文之霸也始若膠附終

若水折豈止連鷄不能俱上於栖而已哉寡人塞耳義

弗聞也寒泉子曰不然夫齊晉三荆

文粹作齊荆三晉

之人病

一作疾

於兵久矣方城之金十九為兵一為罇鉞董澤之

蒲十九為幹一為箕捲父子兄弟之血前後濺野草齊
魂為燕氛趙骨化魏土悽痛之聲入金石出絃匏聞之
者悄戚酸屑泣不自禁一旦有人謂曰朝與秦連橫暮
得帖帖安卧秦亦厭戰雖鼓牙頰未能吞諸侯秦休而
強吾亦勇而奮矣設有辨口安能反覆乎大王不用秦
詔一武士尺鐵斷秦文粹頸作其無令車輪輾闕下土使東
諸侯聞其言合從散橫東向以背秦大王出則奪氣入
則包羞及其殆也披土地以奉讐國獨不念秦仲之業

艱難乎春秋祀事何面目以見宗廟惠王卒弗用寒泉

子耕於鄙趙封秦為武安君六國果奉教閉關者十五

年

十九字集作趙即封蘇季子為武安君六國果拒秦閉關門十五年

讀韓詩外傳

皮日休

韓詩外傳曰韶用干戚非至樂也舜蕪二女非達禮也

封黃帝之子十九年

集無年字

非法義也往田號泣未盡命

也日休曰甚哉韓詩之文悖乎大教夫堯舜之世但務

以道化天下天下嘻嘻如一家室其化雖至其制未備

豈可罪以越禮哉如以韶用干戚非至樂

一有也字則顛項

之八風高辛之六莖

一作英

不以

一作可

作矣如以舜薰二

女非達禮也則堯之世其禮未定不當責也又宜矣以

封黃帝之子非法義也則丹朱商均無封邑是庶人也

哉

一無哉字

傳曰賢者子孫必有土又曰公侯之子孫必復

其始夫賢者與公侯其子孫尚不廢況有熊氏道冠於

五帝化施於千世哉如以往田號泣未盡命也則舜之

孝道匪天也其誰知之不號泣也

文粹無也字

則吾恐舜之

命不及乎

一作于

堯用鳴呼韓氏之書抑百家崇吾道至

矣夫如是者吾將間

一作闕

然

題叔孫通傳

古之所謂禮不相襲樂不相沿者何哉非乎彼聖人也

此聖人也不相襲者角其功利之深淺乎

一作爾

不相沿

者明其文武之優劣乎

一作爾

故三王迭作五帝更制夏

殷易置文武述其禮文昭昭若雨躍爭朗百川注潰

者矣然猶周公刊之仲尼正之以周公之才之美謂後

世無其人乎乃有仲尼仲尼之後迄至於今望其道如
顏閔文如游夏者鮮矣况聖人哉是後之人

一無制禮人字

作樂宜取周書孔策為標準也漢氏受命禮壞文毀作

集作時

無聖人苟措其儀立其禮不沿襲於聖製者妄也

夫國之大祭不過乎郊祀宗廟也則

文集無則字

漢之既命

其祀也

文粹作郊祀

止於五疇之祀者禮不曰兆五帝之郊

者乎止於昭靈之園者禮不曰天子七廟者乎而叔孫

生不為之正郊祀立宗廟去秦時

一作時

之非制議昭靈

之不禮汲汲於朝會之儀俾漢天子為高祖身不得郊

見享不及七廟噫生刲其制物刑集作厥式非不標準

聖人也將以漢世斯始夫四字文粹水火方弭兵械難

為改作乎將不明壇墠之位禘祫之儀者乎若然者湯

武伐桀周公去紂文粹作湯伐其制可知也嗚呼不明

於古制樂通於時變君子不由也其叔孫生之謂矣

題後魏書釋老志

魏收為後魏書大夸西域氏之教以為漢獲休屠王金

人乃釋氏之漸也秦始皇聚天下之兵鑄金人十二於咸陽漢復置之豈可復為釋氏哉夫仲尼之脩春秋君有僭王號者皆削爵為子况戎狄之道不能少抑其說耶孟子曰能以言拒楊墨者遠矣不能以言抑者收也亦聖人之徒文粹作亦聖徒之罪人矣謂史必直歟則春秋為賢者諱之為尊者諱之歟集無歟字筆削與奪在手則收之為是媚於偽齊之君耶不然何不經之如是

題安昌侯傳

安昌侯禹見時災

集作變

異若上體不安常擇日潔齋露

著於星宿正衣冠筮得吉卦致其名

集作則獻其

占如有不

吉禹為感動日休讀漢史至是未嘗不為之動心因書

曰夫宰相之節以已道輔上天地平則致於君夷狄服

則致於君風教行則致於君苟天地有災則歸於已兵

戈屢動則歸於已此真大宰輔之職也禹也為漢名相

居師傅之尊處輔弼

集作漢

之位見災異屢發上不能匡

於君下不能稱其職孜孜稱其

集無此二字

於筮為事斯不

足以為賢相之業也。嗚呼！當漢帝之重禹禹之有言如師訓門人未有門人可違師之旨也。依違在位竟無所發誠伊周之罪人也。大凡國有災異禳禳占問一作筮之

事自有司存

若官有龜人占人占夢眠侵太祝也

為宰相者當提大政之

綱振百司之領握天下之樞而已不空以斯處位也以直論之近乎佞以誠論之近乎偽。宰相其名儒之恥耶。嗚呼！漢之尊禹崇師道也。禹若此者即非崇師道之過矣。

文苑英華卷三百七十七